

# SAVET EN ENOR

D'ANN

## AOTRO AR MOING, PERSON LANVELLEK

Tad koz ar Bersonet en eskopti Zant-Briek

---

War don : *O Kalon sacr, pe Jesu dulcis memoria.*

Disul é klewiz beuré-mad,  
Klewiz kleier o vransellat,  
Kleier va farous a lare :  
Aman zo eur gouël kaër hirie.

### DISKAN :

Kanomp d'ar chaloni nevé,  
Ha d'ann Aotro n' Eskop ivé,  
Kanomp gant kalz a jousted  
Meulodi hag evurusted.

Eun Eskop a zo diredet,  
Eur vikel vraz, chaloniet,  
Beleien, ha tud a bep stad,  
Evit hanter-kantved hon Zad.

Kanomp, etc...

Hanter-kant vla zo hon ferson,  
Den Doue, den a wir galon,  
Oa bet laket evel renér  
Da barous vian Lanneber.

Kanomp, etc...

Eno, mui c'hoaz wit en lec'h all,  
Oa ezom da stourm euz ar fall,  
Oa ezom kalz a zantelez,  
Nerz-kalon, karante, furnez.

Kanomp, etc...

Hon ferson, en pad daouzek vla,  
En Lanneber, hep diskuiza,  
Neuz labouret evit Doue,  
Ha goneet meur a ine.

Kanomp, etc...

Aman, boe eiz vla ha tregont,  
(Doue a dal'cho dean kompt),  
Aman neuz gret traou burzuduz,  
Aman neuz hon rentet euruz.

Kanomp, etc...

Eun Iliz euz ar re gaëran  
Gant kalz poan neuz savet aman,  
Hag, evit gloar Doue, neuz c'hoaz  
Hadet danve eun eost braz.

Kanomp, etc...

An haden-ze vo ket kollet,  
Sklcer eo d'an oll brema gwelet  
An haden vian o kreskin  
En skol hon leanezet-nin.

Kanomp, etc...

Er park-ze, hadet gant hon zad,  
Vo kavet kalz a c'hreunio mad,  
Da rai bue da Lanvellek,  
Ha da frealzin e belek.

Kanomp, etc...

N'halfen ket kanan en eur zon  
Kement a neuz gret hon ferson :  
Nag a galono frealzet,  
Ped ha ped paour c'hoaz sikouret.

Kanomp, etc...

N'eo ket eta wit e gozni  
A c'heo bet hanvet chaloni,  
Mès evit an oll labourio  
A welomp aman tro-war-zro.

Kanomp, etc...

Trugarez'-ta d'ann Eskob mad,  
Neuz hanveet labour hon zad,  
Ha roet da Lanvellegiz  
Eur merk a garante iskiz.

Kanomp, etc...

Leromp brema, oll en eur vouez,  
D'hon ferson koz hon levencz;  
Kement zo aman diredet,  
Leromp gant joa dean : iec'hed!

Kanomp, etc...

A. FLOURIOT,

Kure Lanvellek.

15 a viz Dù 4874.

